

# Қаттиқ шамол бўлганда айтиладиган зикрлар



## ҚАТТИҚ ШАМОЛ БЎЛГАНДА АЙТИЛАДИГАН ЗИКРЛАР

18:37 / 09.03.2022 2461

Оиша онамиз розияллоҳу анҳо ривоят қиладилар:

«Агар қаттиқ шамол бўлса, Расулуллоҳ соллаллоҳу алайҳи васаллам:

رَشَ وَ آفَرَشْ نَمَكْ بُذُعْ أَوْبْ تَلْسُرْ أَمْ رْيَحْ وَ آهِي فَ أَمْ رْيَحْ كُلْسَأَ يَنِإِمْهُلْلَا<sup>۹</sup>  
- وَبْ تَلْسُرْ أَمْ رَشَ وَ آهِي فَ أَمْ

«Аллоҳумма инний ас`алука хойроҳа ва хойро ма фийҳа ва хойро ма урсилат биҳи ва аъузу бика мин шарриҳа ва шарри ма фийҳа ва шарри ма урсилат биҳи», деб айтар эдилар. (Маъноси: Эй Раббим, Сендан унинг яхшисини, ундаги яхшиликни ва у билан юборилган нарсанинг яхшисини сўрайман. Эй Раббим, Сендан унинг ёмонидан, ундаги ёмонликдан ва у билан юборилган нарсанинг ёмонлигидан паноҳ сўрайман.)

*Имом Муслим ривоятлари.*

Абу Ҳурайрадан розияллоҳу анҳу ривоят қилинади. Расулуллоҳ саллаллоҳу алайҳи васаллам: «Шамол бандаларга юборилган раҳматдир. Гоҳида у раҳмат билан келади, гоҳида азоб билан. Агар шамол эсса, уни сўкманглар. Аллоҳдан унинг яхшисини сўраб, ёмонидан паноҳ тиланглар», дедилар.

*Абу Довуд ва Ибн Можа ривоятлари.*

Оиша розияллоҳу анҳодан ривоят қилинади:

Расулуллоҳ соллаллоҳу алайҳи васаллам осмон уфқида тўпланган булутни кўрсалар, қилиб турган ишларини тўхтатардилар, агар намозда бўлсалар:

اَللّٰهُمَّ مُلْكُ الْعَالَمِينَ إِنِّي نَسْأَلُكُكَ دُعَاءً يَوْمَ الْقِيَامَةِ

اَللّٰهُمَّ صَلِّ عَلَى مَحْمُودٍ وَّبَرِّهِ

«Аллоҳумма инний аъзу бика мин шарриҳа» (Эй Раббим, Сенинг номинг ила унинг ёмонлигидан паноҳ тилайман), деб айтардилар. Агар ёмғир ёғса:

«Аллоҳумма саййибан ҳаний`ан» (Эй Раббим, шалдираб оқувчи ёқимли ёмҚир ёҚдир), деб айтардилар.

*Абу Довуд, Насаий, Ибн Можа ривоятлари.*

Убай ибн Каъбдан розияллоҳу анҳу ривоят қилинади. Расулуллоҳ соллаллоҳу алайҳи васаллам: «Шамолни сўкманглар, агар бирор кариҳ нарсани кўрсанглар:

اَللّٰهُمَّ تَرْمُّدْ رِيَاحَ وَدَاهَ وَسَانَ اَنِّي حَرَّ وَرِيشَ وَهَبَ وَبَرِّيَّا وَرِيشَ وَهَبَ وَبَرِّيَّا

«Аллоҳумма инна нас`алука мин хойри ҳазихир рийҳи ва хойри ма фийҳа ва хойри ма умирот биҳи ва наъзу бика мин шарри ҳазихир рийҳи ва шарри ма фийҳа ва шарри ма умирот биҳи», деб айтинглар», дедилар. (Маъноси: Аллоҳим, Сендан шамолнинг яхшисини ва ундаги яхшиликларни ва у билан буюрилган нарсаларнинг яхшилигини сўрайман. Ва Сендан, шамолнинг ёмонидан, ундаги ёмонликлардан ва у билан буюрилган ёмонликлардан паноҳ сўрайман.)

*Термизий ривоятлари.*

**Имом Нававийнинг «Ал-Азкор» китобидан  
Таржимон Анвар Аҳмад**